

97

AUGLÝSING

21. sept.

um staðfesting forseta Íslands á breytingu á reglugerð fyrir Háskóla Íslands,
nr. 47 frá 30. júní 1942.

Samkvæmt tillögu ráðuneytisins hefur forseti Íslands í dag staðfest eftirfarandi
breytingu á reglugerð fyrir Háskóla Íslands:

1. gr.

31. gr. reglugerðarinnar orðist svo:

Í laga- og hagfræðideild eru kenndar þessar greinar:

1. Fjármunaréttur.
2. Sifjaréttur, erfðaréttur og persónuréttur.
3. Stjórnлагаfræði og stjórnarfarsréttur.
4. Refsiréttur.
5. Réttarfar.
6. Réttarsaga.
7. Sjóréttur og félagaréttur.
8. Þjóðaréttur og alþjóðlegur einkamálaréttur.
9. Æfingar í úrlausn raunhæfra verkefna.
10. Almenn lögfræði.
11. Lögfræðileg skjalaritun.
12. Þjóðhagfræði almenn.
13. Þjóðhagfræði hagnýt.
14. Rekstrarhagfræði almenn.
15. Rekstrarhagfræði sérgreind.
16. Fjármálafræði.
17. Íslensk haglýsing.
18. Bókfærsla, endurskoðun og skattaskil.
19. Reikningshald.
20. Tölfræði.
21. Viðskiptareikningur.
22. Enska.
23. Vélritun.

Skriflegar æfingar skulu vera í þeim greinum, sem sérstakt skriflegt próf er haldið í.

2. gr.

49. gr. reglugerðarinnar orðist þannig:

Próf í laga- og hagfræðideild.

A. Embættispróf í lögfræði.

Embættisprófinu skal skipt í tvennt, fyrra hluta og síðara hluta. Prófgreinar í fyrra hluta eru þessar:

1. Fjármunaréttur.
2. Sifjaréttur, erfðaréttur og persónuréttur.
3. Stjórnлагаfræði og stjórnarfarsréttur.
4. Raunhæft úrlausnarefni, þar sem reynir á atriði úr 1.—3. prófgrein fyrra hluta.

Prófið er bæði munnlegt og skriflegt í 1.—3. prófgrein, en eingöngu skriflegt 97 í 4. prófgrein. Úr 1. prófgrein skal velja 2 skrifleg verkefni, er leysa skal í tveim prófum, en eitt skriflegt verkefni skal taka úr 2. og 3. prófgrein, hvorri um sig. 21. sept.

Áður en stúdent segir sig til fyrra hluta prófsins, skal hann leggja fram skilríki fyrir því, að hann hafi staðizt próf í almennri lögfræði, þjóðhagfræði og bókfærslu. Til þess að standast próf í almennri lögfræði, þarf stúdent að sýna slíka þekkingu á prófi, að virt verði til lægstu I. einkunnar hið minnsta. Kostur er, að áskilja svipaða lágmarkseinkunn við próf í þjóðhagfræði með einróma samþykkt kennara í laga- og hagfræðideild, enda sé slík samþykkt birt nemendum á trygglegan hátt.

Prófgreinar í síðara hluta prófsins eru þessar:

1. Refsiréttur.
2. Réttarfar.
3. Réttarsaga.
4. Sjóréttur og félagaréttur.
5. Þjóðaréttur og alþjóðlegur einkamálaréttur.
6. Raunhæft úrlausnarefni, þar sem reyna skal á sem flesta þætti úr prófgreinum fyrra og síðara hluta, nema 3. prófgrein síðara hluta.

Prófið er bæði munnlegt og skriflegt í 1. og 2. prófgrein, aðeins munnlegt í 3—5. prófgrein og skriflegt í 6. prófgrein og hefur einkunn í þeirri grein tvöfalt gildi.

Áður en stúdent segir sig til síðara hluta prófsins, skal hann leggja fram skilríki fyrir því, að hann hafi samvirkusamlega tekið þátt í æfingum í vélritun og lögfræðilegri skjalritun. Enn fremur skal hann leggja fram skilríki fyrir því, að hann hafi unnið í lögfræðiskrifstofu undir handleiðslu lögfræðings með embættisprófi um a. m. k. tveggja mánaða skeið eftir að hann lauk fyrra hluta embættisprófs. Loks skal hann sýna skilríki fyrir því, að hann hafi tekið samvirkusamlega þátt í námskeiði í þeim þáttum úr sérstaka hluta kröfuréttarins, sem ekki eru próftekni með 1. prófgrein fyrra hluta. Heimilt er að koma við prófi í lok æfinga og námskeiða.

Nú líða meira en fjögur ár frá því að stúdent lauk fyrra hluta embættisprófs til þess að hann segir sig til síðara hluta prófsins, og er gildi fyrra hluta prófsins þá úti. Verður stúdentinn þá að þreyta fyrra hluta próf af nýju, ef hann kys að halda áfram náminu. Undirbúningspróf í almennri lögfræði og þjóðhagfræði halda þó gildi sínu. Undanþágu undan því að þreyta fyrra hluta próf af nýju má veita, ef stúdentinn hafa bargað veikindi eða svipaðar vítaleysisástæður, að mati kennara deildarinnar.

Stúdentar þeir, er innritast í laga- og hagfræðideild haustið 1949, skulu hlíta prófháttum þeim, sem hér er mælt um. Fyrra hluta próf eftir eldri reglum verður háð í síðasta sinn vorið 1951, en síðara hluta próf vorið 1954.

B. Fullnaðarpróf í viðskiptafræðum.

Prófgreinar eru þessar:

1. Rekstrarhagfræði, skriflegt próf.
2. Rekstrarhagfræði almenn, munnlegt próf.
3. Rekstrarhagfræði sérgreind, munnlegt próf.
4. Þjóðhagfræði, skriflegt próf.
5. Þjóðhagfræði almenn, munnlegt próf.
6. Þjóðhagfræði hagnýt og fjármálafræði, munnlegt próf.
7. Íslensk haglýsing, munnlegt próf.

- 97 8. Lögfræði, munnlegt próf.
 21. sept. 9. Bókfærsla almenn, skriflegt próf.
 10. Reikningshald, munnlegt próf.
 11. Bókfærsla, endurskoðun og skattaskil, skriflegt próf.
 12. Tölfræði, skriflegt próf.
 13. Viðskiptareikningur, skriflegt próf.
 14. Enska, skriflegt og munnlegt próf.
 15. Ritgerð um hagfræðilegt efni, er hagfræðikennarar deildarinnar fá stúdentinum til meðferðar í lok fjórða misseris, er hann stundar nám í viðskiptafræðum í deildinni.

Stúdentum er heimilt að ganga hvenær sem er á námstíma sínum undir próf í 3., 7., 8., 9., 10., 12., 13. og 14. prófgrein, og skulu slík próf að jafnaði haldin að aflokinni yfirferð yfir hlutaðeigandi námsgrein. Teljast próf þessi til fullnaðarprófs, þótt ekki séu þau tekin samtímis því. Áður en stúdent tekur þátt í æfingum í bókfærslu verklegri, endurskoðun og skattaskilum, skal hann hafa lokið prófi í almennri bókfærslu og hlotið a. m. k. einkunnina miður vel.

Áður en stúdent segir sig til fullnaðarprófs, skal hann afhenda prófritgerð sína vélritaða og leggja fram skilríki um, að hann hafi tekið þátt í æfingum í eftirtöldum greinum:

1. Rekstrarhagfræði, m. a. haldið eitt erindi og afhent kennaranum það vélritað.
2. Þjóðhagfræði, m. a. haldið eitt erindi og afhent kennaranum það vélritað.
3. Verklegrri bókfærslu, endurskoðun og skattaskilum, m. a. tekið þátt í a. m. k. 12 verklegum æfingum.
4. Ensku, m. a. leyst úr 25 skriflegum verkefnum.

Nái stúdentinn ekki einkunninni miður vel að meðaltali í 1., 2., 4., 5., 10. og 11. prófgrein, stenzta hann ekki fullnaðarprófið. Við útreikning aðaleinkunnar reiknast einkunnir í 1., 2., 4., 5. og 11. prófgrein tvöfaldar.

Þetta tilkynnist hér með þeim, sem hlut eiga að máli.

Menntamálaráðuneytið, 21. september 1949.

F. h. r.

Birgir Thorlacius.

98

12. ágúst

BRÁÐABIRGÐALÖG

um heimild fyrir ríkisstjórnina að ábyrgjast allt að 2 250 000 króna lán til útgerðarmanna, er stunda síldveiðar á þessu sumri.

FORSETI ÍSLANDS

gjörir kunnugt: Fjármálaráðherra hefur tjáð mér, að brýna nauðsyn beri til að gefa út lög um heimild fyrir ríkisstjórnina til að ábyrgjast bráðabirgðalán til útgerðarmanna, sem síldveiðar stunda í ár.

Sökum þess, að síldveiði hefur enn brugðizt í sumar fram að þessu, og hætta er á, að hún stöðvist alveg vegna erfiðleika síldarútgerðarmanna á að greiða kaup háseta og nauðsynjar til útgerðarinnar, hefur ríkisstjórnin leitað til Landsbanka Íslands og Útvegsbanka Íslands um lánveitingu að fjárhæð, allt að kr. 2 250 000.00 í þessu skyni, og verði lánin tryggð með ábyrgð ríkissjóðs.